

"Ўзавтойўл" АК бошқарувининг 2016 йил I чорак якунлари бўйича ийғилиши



2016 йилнинг 22 апрель куни компания бошқарувининг 2016 йил I чорак якунлари бўйича кенгайтирилган ийғилиши бўлиб ўтди. Йиғилишда компания тизимидағи худудий бўлинмалар, соҳавий корхона ва ташкилотлар раҳбарлари иштирок этди. Йиғилишни бошқарув раиси А.Абдувалиев олиб борди.

Ийғилишда, жорий йилнинг 15 январида Вазирлар Маҳкамасининг 2015 йил якунлари ва 2016 йилга мўлжалланган иқтисодий дастурнинг энг муҳим устувор йўналишларига бағишлиган мажлисида Ўзбекистон Республикаси Президентининг "2015-2019 йилларда мухандислик-коммуникация ва йўл-транспорт инфратузилмасини ривожлантириш ва модернизация қилиш дастури тўғрисида"ги ПҚ-2313-сонли қарори билан тасдиқланган йўл дастурлари ижросини сўзсиз бажариш бўйича бошланган ишларни 2016 йилда ҳам давом эттириш устувор вазифа сифатида белгилаб берилгани ва уларнинг компаниядаги ижроси мухокама қилинди.

Йиғилишда таъкидланганидек, "Ўзавтойўл" акциядорлик компанияси таркибидаги ташкилот ва корхоналар томонидан 2016 йилнинг январь-март ойлари давомида жами 229,6 млрд.сўмлик (2015 йилнинг шу даврига нисбатан 119,6%) йўл қурилиш, таъмирлаш, саклаш ва ташқи пудрат ишлари бажарилди.

Инвестиция дастурига мувофиқ, "Ўзавтойўл" компанияси корхона ва ташкилотлари томонидан 2016 йилнинг I чорагида 34,3 млрд. сўмлик йўл ишлари бажарилди ҳамда 10,0 км узунликдаги автомобиль йўллари реконструкция қилинди. Ушбу кўрсаткич шартномавий мажбуриятга нисбатан 115,6% ни, ўтган йилнинг шу даврига нисбатан 101,3% ни ташкил қилди.

Халқаро, давлат ва маҳаллий аҳамиятдаги умумий фойдаланишдаги автомобиль йўлларида "Ўзавтойўл" компанияси корхона ва ташкилотлари томонидан йўлларни мукаммал таъмирлашда 16,6 млрд. сўмлик ишлар амалга оширилиб, 6,0 км узунликдаги умумий фойдаланувдаги автомобиль йўллари таъмирланди ҳамда шартномавий режа 101,1% га бажарилди.

42676 км узунликдаги умумий фойдаланишдаги автомобиль йўлларини саклаш ва жорий таъмирлаш ишлари бўйича 2016 йилнинг I чорагида 161,5 млрд. сўмлик маблағлар тўлиқ

ўзлаштирилди.

I чорак мобайнида тизим корхона ва ташкилотларида 20 та янги иш ўринлари яратилиши режалаштирилган бўлиб, амалда жами 35 та янги иш ўринлари очилиши таъминланди (прогнозга нисбатан 175%).

Йигилиш давомида тизимдаги корхоналар томонидан ишлаб чиқаришни модернизациялаш, янги бошланган обьектларда лойиҳа-смета хужжатларини ишлаб чиқишни охирига етказиши, инвестиция обьектларининг молиялаштирилиши, пурратчи корхоналарга ёнилғи мойлаш маҳсулотлари етказиб берилиши каби масалаларга танқидий ёндашилиб, мавжуд муаммоларни ижобий ҳал этиш йўллари мухокама қилинди.

"

Шу билан бир қаторда, йигилишда тизим корхоналари томонидан жорий йилнинг II чорагида амалга оширилиши лозим бўлган долзарб ва устувор масалаларга тўхталиб ўтилди.

Хусусан, Ўзбекистон Республикаси Президентининг 2015 йил 6 мартағи ПҚ-2313-сонли қарори билан белгиланган дастур доирасида ҳамда соҳага оид бошқа қарорлар ижросини таъминлаш бўйича жорий йилнинг II чорагида жами 200,0 млрд. сўмлик йўл ишлари бажарилиши режалаштирилганига алоҳида эътибор қаратилди. Унга кўра апрель-июнь ойлари давомида:

- Инвестиция дастури бўйича 160,0 млрд. сўм миқдоридаги йўл ишлари амалга оширилиб, 45 км узунликдаги умумий фойдаланишдаги автомобиль йўллари реконструкция қилинади;
- Капитал таъмирлаш ишлари бўйича 40,0 млрд. сўм миқдоридаги таъмирлаш ишлари бажарилиб, 29 км узунликдаги автомобиль йўллари тўла таъмирланади.

Шунингдек, умумий фойдаланувдаги автомобиль йўлларида 200,0 млрд. сўмдан ортиқ жорий таъмирлаш ва сақлаш ишларини бажариш ҳамда 736 км йўлларнинг техник ҳолатини яхшиланишига эришилади.

Бошқарув йигилиши якунида кун тартибида кўрилган масалалар юзасидан тегишли қарорлар қабул қилинди.

"Ўзавтойўл" АК матбуот хизмати